

تورک پوردی

Yıl: 2 Sayı: 10 (34) Tuluat 1328
 تورکلرک فاندمنه چالیشیر
 اون بئش کونده بر جیقار

مطهرات

• آناتولی و کنجلیک وظیفه سی •

بویلیخی «تورک یوردی» نك سكرنجی صایسندە پك مشهور بر محرر سیاسیمزك،
بلكدە اك مشهور محرر سیاسیمزك، یوردجیلق افكار اساسیەسندن بعضارینه
اشتراکی قید ایله سرور و مفتخر اولمشدق . كچن هفته چیقان «صبح»
نسخه لرینك برنده ایسه ، عثمانلی ادبیاتنك صوك دورەسندە شخصی و جرأتلی
دوشنجه لرله ، مستقل و پرواسز حرکترلله تمیز ایتیش بر ادیمزك ، کنجلیک
خطاباً ایراد ایتدیکی وعظ و نصیحتلرینی او قودق . یوردجیلق اساسلرینه پك
موافق اولدقلری ایچون ، بو نصایحدن بعضلرینی ده ینه سرور و افتخار ایله
• یورد • • نقل ایدیورز .

• بوگونکی موقعمز نه اولورسه اولسون ، یاربش صلح و یا حربدن بری طوغسون ،
بزی یالکز مسئله حاضره اشغال ایدەمه ملیدر ، یالکز حرب دماغزده بر موقع طوته رق
مسائل حیاتیە من بر ستیره اعمال و تسام آلدندە قالمیلیدر . نافذ نظر اولانلر . و یا حال
حاضرک آلام و مصائبندن آتینك سعادتلی استخراج قابلدندە بولان ملثلر هر فلاکت
اسباب حقیقیە سی ، ظاهریاته قایلیمقسزین ، تحلیل و تشریح ایتخی ، اوکا کوره حرکت
ایله مە بی کندیلرینه بر دستور حرکت اتخا ایدە بیله چك قدر متانت کوسترمشلردر .
نومیدی . یالکز بوگونک یارەسنه تداوی تهریسی ، ماضی بی فراموش ، استقباله قارشو
لا قیدی اسکی لاستیکلری تعمیر ایتخیه بکزر ، نه قدر دلیکلری اورتیلسه قاپاسه براز سکره
یاغورلرک . چامورلرک تأثیریلە ینه آچیلیر .

• هرکسک معلومی برکیتندرکە بوگون آناتولی ، بالطه کورمه مش ، براورمان کی
با کردر ، نازەدر . اونک سینەسندە هنوز صرف ایدله مش بر چوق قوای حیاتیە
موجوددر . اگر عقلی ، منطق ، تجاربه مسقند فک بوگونکی ترقیاتندن مستفید بر
اصول ایله او قطعە نفیسه بی احیایه چالشیرسه ق شبهه سز پك چوق فلاکتلر منی تعمیر
ایلش . آرز زمان ظرفندە بوتون جهانە موجودیت قویه منی اثبات ایتش اولورز .

• ... آناتولی دیارینه طوعری نظرلر منی دوندیرم . بواطه کار قطعە نك نه کی
امراضک تحت تأثیرندە بر حرکت فعاله کوستره مدیکنی تدقیق ایدەلم ، کوریرزکە اوراده
دماغلر بولانیقدر . هیچ برضیای حیات ایله تماس ایتە مشدر . دها سکره عقور آدمیلرله
فرنکی نك . نظافت صحیه نك مفقودیتنه بناء تیفویک ، صیتە نك ، بولسز لاقدن ، سائر ملثلره

قارشو رقابت امكانك محدود بولمىسندن طولايى تىنبللىكك اجراى تاثير ابتدىكى تاسفله ،
تالله كوريلير ، حس ايديلير .

« بونلر اجتماعى ، صى ، روحى برر مرضدر ، وهر مرض كى تشخيص ايدلكدن
صكره تداويسى قولايذر .

« بوكون كويلرده خلق اداره ايدمچك ، سعادته ايسال ايليه چك دماغلرك مفقودى
مرض اجتماعىك كيتدكجه توسعنى موجب اوليور ، اولرى نوره ، حقيقتنه ، سعيه سوق
ايدمچك معلملر ، مربيلر ، معالتاسف ، يوق ! . آناطوليدم ياشايانلر روحلرنده
يوكسلمك ايجون برمايه بوليورلر ، فقط اوفى مواد مخصوصه سيلاه منج ايدمچك بسله يه چك ،
تزييد ايدمچك اللرى بوله مايورلر . اوت ، مکتبلر يوق . ياخود وارسده تدریسات
يوق ، معلم يوق . پاتخت سلطنت سنيه ده ليسه لرده ، اعداديلرده ، دارالفنونلرده
ياشايان ، اوقويان ، آرزوق ذهنلرى آچيلان كنجلره بونك ايجوندركه بويوك بروظيفه
ترتب ايدليور . اوده مکتبلرده آرزوق تطبيق معلومات الله ايتدكدنصكره حيدر
پاشايه اوموزلرنده هكبه ، اللرنده بردكنك ، قىلرنده وطنك سيمى نجى بولندينى حالده
كچمك ، « قره واپورينه بينهرك » مملكتك بوتون كوشه سته بوجاغنه يايلىمق ، آيلغه ،
بى تابى يه ، فضله سعيه تحمل ايدمچك اوده ده آفون ايجمش كى اويويان وطنداشلىرىنى
اويانديرمق ، ايقاظ ايتمكدنر . »

بومقاله نك بليغ محررى شهاب الدين سليمان بك ، برايكى ييل اول كنديسنك
اجتماعاً « ناجليت » (آريستوقراسى) طرفدارى اولديغنى سويلر ، وافراده جمعيتك
غايه خيالى ثروته طالارق ، صرف مادي سعادت قز انمقده بولوردى ؛ بوكون
آرتق عثمانلى - تورك كنجلكنه غايه حيات اوله رق ، يالكز فردى و خسيس
سعادتى كوسترمييور ؛ خلقه كيدمچك اونك مادي ومعنوى خسته قللىرىنى تداويدم ،
خلقى يوكسلمكده ، خلقله برلشمكده ، خلقك ايجنده ايريمكده دخى غايه وسعادت
بولييور ؛ بو طرز تفكر آريستوقراتلغه وداع ايتمكدنر ؛ و پك ايدنر .

« صباح » غزته سى ، ايكي اوچ ييل اول ، برقونفه رانس مناسبتيله ، كنجللكك
هله « دارالفنونلرده اوقويان ، ياشايان » كنجللكك خلقه كيتمه سى فكرىنى
تنقيدم لزوم كورمشدى . بوكونكى « صباح » ايسه ، اوتنقيدلرك باصلمش اولديغى
ستونلرده « آناطولى و كنجللكك وظيفه سى » مقاله سنى درجه احتياج طوييور ...
اوت ، كونلر كچيور ، دوشنجهلر دكيشيور ، و بزم ظنمزه كوره فكرى
تكامل حق وخيره طوغريذر . آنجق حسين جاهد بكك ديديكى كى « بوبسيط
حقيقتلى آ كلامق ايجون ، صوك مغلوبيتلرك حجالتنى طويمق لازم كلدى .. »